

16/08/2002

Jalan utama ditutup

KUALA LUMPUR, Khamis - Beberapa jalan utama di bandaraya akan ditutup bermula jam 5 petang Sabtu ini hingga jam 2 pagi sempena Majlis Pelancaran Bulan Kemerdekaan dan Kempen Kibar Jalur Gemilang, di Dataran Merdeka.

Acara itu akan dirasmikan Perdana Menteri Datuk Seri Mahathir Mohamad kira-kira jam 9.15 malam.

Ketua Trafik Bandaraya Superintendan Ahmad Shamsuri Ahmad Mukri berkata, jalan yang ditutup itu Jalan Kinabalu, Jalan Hishamuddin, Lebuhr Pasar Besar dan Jalan Tuanku Abdul Rahman, semuanya menghala ke Dataran Merdeka.

"Bagaimanapun, beberapa jalan lain akan ditutup secara berperingkat, terutama apabila perarakan 450 motosikal besar mengiringi Perdana Menteri dari Plaza Tol Sungai Besi ke Dataran Merdeka," katanya hari ini.